







Cum DEO.

H Ominem à Veteribus non incommodè Microcosmum appellatum esse, analogia rem penitiùs pensitantem hand obscurè docebit. Quemadmodum enim in Macrocosmo aqua in oceani fluxu & refluxu occultos terra meatus, diversasque metallorum, succorum lapidumque mineras trajecta, diversas secum rapit particulas, varios diversarum admirandarumque virtutum fontes constituentes. Similiplanè modo sanguis ex corde, ceu oceano multos arteriarum anfractus & sinus emensus, ad varia viscera variasque allidit glandulas ceu mineras, proque illarum diversitate diversi segregantur succi, speciem diversorum fontium non obscuram præbentes. Metalla varia in cadaveribus saepe reperta de metallorum, ipsa verò nostra calamitas de lapidum mineris sat clarè testantur. Ratione vegetationis plantarum variarum licèt etiam commoda secundum naturam analogia quadam institui posset, placet tamen eam hic præterire, & saltem ex Petri Borelli observat. X. Centur. 1. historiam quandam fidem fermè excedentem adducere: Meminit ille pastoris cujusdam, qui in prunulum incidit, cui spina per duos annos in regione thoracis media sive sterni relieta,



ita radices egit, ut post resectos surculos varios, aliqui tandem prodierint, in quibus flores & fructus visi sunt. Colles porro & valles quilibet se ipsum inspiciens & palpsans anxie querere haud necesse habebit.

Aëris quoque, Solis, Luna cæterarumque Stellarum regionem non incommode refert Microcosmus. Ast omnia hæc latius deducere instituti nostri non fert ratio; Instar omnium sit nobis sol, quem inter & cerebrum quanta intercedat analogia, paucis ostendemus. Sicut Sol radiis suis hæc inferiora non saltem illustrat & alterat, sed varia vi & virtute ea imbuat variis operibus naturalibus producendis apta: sic quoque cerebrum radiis suis, spiritibus nempe animalibus, totum corpus illuminat & alterat, partesque & organa ad munia sua rectè obeunda disponit. Contrà autem, sicut sol interdum (luna inter solem & nostrum aspectum existente) eclipsin quandam patitur, sic obacula etiam non raro sese offerunt in cerebro, qua transitum radiorum seu spirituum animalium in inferiora non sine totius totali saepe exitio præpediunt; unde varia solis microcosmici eclipses seu affectus exsurgunt, inter quos non in infimis subselliis locanda est Apoplexia, utpote quæ (sicut de solis eclipsibus Calendariographi nescio quæ omnia non tradant) multorum casuum lugubrium mater est. Hunc igitur affectum impetratâ ab Amplissima & Gratiissima Facultate Medica, Disputationem Inauguralem scribendi potestate, pertractare animum induxi. Gratiâ verò suâ Deus, Medicus summus, mihi adsit, ut vergat hic labor in Sui honorem proximique salutem.



THESIS. I.





Uamvis æger parum solamini^s aut levaminis exinde percepturus sit, si Medicus de morbi nomine & derivatione nominis anxie sollicitus sit, more tamen recepto, vel tribus saltem vocis Apoplexiæ significationem ejusque synonymiam delibabo, progressurus statim ad morbi istius phænomena, horumque causis, pro

ingenii modulo ventilatis, rationem medendi, quoad fieri poterit, applicaturus.

I I. Apoplexia est vox Græca, dicitur ἀπὸ τῆς ἀποπλήττειν quod est cædere, percutere, sumtâ appellatione à victimis, quod homo hoc affectu correptus, instar victimæ uno ictu ad aram cæsæ, subito corruat. Sideratio Latinis dicitur, quod Veteres hosce fulmine, quod sidus esse putabant, tangi crederent. *Cornelio Celso lib. 3. cap. 26.* morbus attonitus vocatur; quod mentem & corpus stupidum & quasi citra tonum reddat, der Schlag / die Hand Gottes / Germanicè appellatur.

I I I. Apoplexia est subita actionum animalium omnium, motus scilicet ac sensus, remanentibus saltem respiratione difficili & pulsu in equali, abolitio, ab influxu spirituum animalium in organa harum actionum prohibito, aut eorundum fixatione ac extinctione orta.

I V. Hic affectus ratione vehementiæ majoris vel minoris differt; in fortissima enim apoplexia respiratio aut in totum penè remittit, sic ut observabilis vix sit, aut cum stertore & spumâ, ad os aliquando apparente, accidit: Pulsus itidem nimis languidus & parvus, celer tamen & vix sensibilis est. Sen-





sus & motus planè defunt. Color quoque faciei subinde intensior & obscurior evadit. Quæ symptomata in leviori apoplexia sunt mitiora. Respiratio enim non adeò difficilis, pulsusque plenior & satis validus existit, quanquam inæqualis semper observetur, sensus & motus nonnihil torpidi & obscuri aliquandò in quibusdam partibus supersunt. Color itidem faciei parum immutatur.

V. Cum verò affectus hujus symptomata ex subita sensus & motus abolitione, pulsus respirationisque minore vel majore difficultate imprimis pendeant, non abs re fore duxi pauca ex œconomia animali, in quibus motus, sensus, pulsus & respiratio consistant, quiquè eorum sit usus præmittere, quò rectius eorum status præternaturalis explicari possit.

V I. Animadvertendum igitur est, à sanguine subtiliore ex corde per arteriæ magnæ truncum ascendentem ejusque ramos, arterias nempe carotides & cervicales ad cerebrum delato, perque illud quasi colato, maxime aëreas activas & subtiles quasdam particulas, spiritus animales constituentes, separari, qui à cerebro per nervos (canales scilicet idoneos, crassos, porosos) eorumque fibras & filamenta singularum partium musculis & membranis distribuuntur, omnium sensuum & motuum in animali autores.

V I I. Motus seu pulsus cordis debetur substantiæ cordis musculosæ, tum per nervos & fibras spiritibus animalibus, tum à sanguine vitalibus irrigatæ. Respiratio verò maximè dependet à motu diaphragmatis, musculorum tum abdominis, tum intercostalium in- & externorum. In inspiratione enim, dum per motum diaphragmatis & horum musculorum abdomen attollitur & thorax dilatatur, aër ambiens in thoracem dilatatum & pulmones propellitur. In expiratione autem ex motu diaphragmatis contrario, musculorumque relaxatione abdomen delabitur, thorax ac pulmones angustantur, & sic aër vicissim expellitur.

V I I I. Pulsus & Respirationis usus est, sanguinem





in pulmonibus & cordis ventriculis elaboratum, ventilatum, & exaltatum per arterias ad omnes corporis partes propellere, tam nutrimenti, caloris & vigoris, quam in cerebro spirituum animalium conficiendorum gratiâ, à nutritione verò & spiritibus animalibus residuum per venas remittere ad cor, ut in eo denuò cum novo chylo mixtus effervescat, novumque vigorem reassumat. Paucis hisce de sensus & motus, pulsus itidem & respirationis ratione & usu prælibatis, conferamus nos ad eorum statum præternaturalem examinandum & dilucidandum, in quantum affectus noster ansam subministrabit.

I X. De parte affecta multorum Cl. Virorum diversæ sunt sententiæ, aliis cor, aliis cerebrum, aliis vero venas, arterias inprimis Carotides, aliis aliud hujus affectus subiectum statuentibus, Nos cum facilè largiamur, varias, imo totius corporis partes pati; sanguini tamen & spiritibus conficiendis organa & viscera dicata magis & principaliter lædi statuimus.

X. Causa proxima Apoplexiæ est spirituum animalium aut emanatio sive influxus in nervos inhibitus, aut eorundem fixatio & extinctio. Hæc vero unde eveniat apud Autores non usque adeò constat, variasq; apoplexiæ distinctiones & differentias videre est, nos hic cum Cl. Willisio facientes, morbum distinguimus in accidentalem & habitualement ratione diversi hujus morbi insultus: quatenus nempe sine prævia diathesi à causa subita, solitaria & sæpe invincibili excitatus, plerumque lethalis existit, contra quem nulla cura præservatoria institui potest, &, si curatio iniri soleat, plerumque inefficax est. Vel deinde paroxysmus apoplecticus causam antecedentem sive dispositionem præviam habens, propter varias occasiones sive causas evidentes in actum deducitur.


X I. Utriusque verò Apoplexiæ causam proximam eandem esse, ex sequentibus patebit. Quod enim ad accidentalem attinet, illa fit, vel quando ab externa causa violenta, ut casu ab alto, capitis ictu, allisione ad durum, concussione aut similibus, magna continuifit solutio intra cerebrum, propter



quam à sanguine extravasato meatibus ejusdem, nervorumque osculis obstructis & compressis spirituum proventus & emanatio omnis supprimitur, vel, quando à vapore sulphureo, acido, narcotico in locis subterraneis, ut speluncis, fontibus antiquis profundis, cellis vinariis & cerevisiariis, ubi mustum & cerevisia fermentanda reponuntur, spiritus & sanguis nimis figuntur, unde corporis resolutio & apoplexia subito contingit. Sic memini me adhuc puero, in patria mea viros quosdam nî fallor tres aut quatuor, puteum antiquum & sterilem purgatuos & renovatuos repente & ex improvise mortuos esse; cujus phænomeni vulgus tum temporis rationem reddituram, basiliscum quendam interiùs in puteo latere fingebat, qui halitu & aspectu suo venenoso tales viros necâset; quod rectius mineræ cuidam, halitus sulphureos & narcoticos spiranti, tribuendum erat.

X I I. In Apoplexia autem habituali, seu ubi causa antecedens & dispositio in corpore est, quidnam in culpa sit, ex quo affectus phænomena deduci possint, in sequentibus paulò uberius disquiremus. Multæ quamvis hic foveantur Medicorum opiniones, nobis tamen præ cæteris illa arridet, quæ saccum melancholicum, accidiorum, austeriorum, in cerebro sive glandulis corticis cerebri cumulatam, spiritus animales & sanguinem ibidem figere statuit. Opinionem illam dudum favisse videtur Hippocrates, dum *libr. 2. de morbis, textu 5to* sic loquitur: *Derepente dolor occupat caput, & statim voce privatur, ac sui impotens fit, &c. Patitur autem hæc cum atra bilis ipsi in capite commota fluxerit, in partem maximè, in qua plurimæ sunt venæ, in collum nempe & pectus. Deinde postridie sideratus fit & impotens, sanguine nimirum perfrigerato.*



X I I I. In hanc quoque sententiam inclinare videtur Cl; Willisius. hæc enim ejus verba in capite de Apoplexia continentur. *Quod si de materia hujus morbificæ indole sive natura inquiratur, suspicari licet spiritus animales in Apoplexia, planè aliò modo ac in passionibus convulsivis affecti, nempe siderati*



tionem obnoxios copulam explosivam contrariam, hoc est, Vitriolicam potius, quam nitro-sulphuream adsciscere, proindeque ab ea spiritus salinas ipsorum particulas prorsus figi, ac à motibus sive explosionibus quibuscunque incundis inhiberi, non solum ac cum particula vitriolica cum auro fulminante mixta & combinata virtutem ejus explosivam seu sclopetariam prorsus adimunt, & tanquam aëre glacialis afflatu particulas alias quasvis activas congelant & immobiles reddunt. Non absimili modo se habere videntur spiritus animales, eorumque copula sive diversimoda adjuncta, quorum nempe alia virtutem elasticam & valde explosivam, prout in affectibus spasmodicis: aliaque us stuporem; ut in morbis soporeosis, etiam in Apoplexia & paralyti, inducunt.

X I V. Modus verò, quò ejusmodi melancholicæ (quam voco succum asperum, acidum, Vitriolicum) in cerebro collectio fieri possit, ut aliquatenus & quantum rei natura patitur, explicetur, advertendum, Cinereum cerebri corticem esse corpus glandulis minutissimis compactum, quæ ad hoc munus, uti superius innuimus, sunt destinatæ, ut è sanguine per arterias carotides & cervicales delato spiritus animales eliciant, in nervorumque fibras transfundant. Certius verò nihil est, quam corpora glandulosa esse maximè apta, ut in ipsis variorum humorum collectiones & corruptiones fiant; id enim manifestè deducitur ex vasorum in illis multitudine, exilitate & complicatione, quibus omnibus fit, ut, qui per illa vasa transcolantur humores, in illis facillè hæreant & morâ diuturnâ, pro varia partis natura aut acquisita dispositione, labem multiplicem contrahant, acescant, concrecant, putrescant &c, uti hoc tumores glandularum sæpe testantur.

X V. Si jam glandulæ cerebri succo melancholico fuerint imbutæ, temporisque progressu ille fiat abundantior & acidior, tum vel ob quantitatem exundans, vel insigni acrimoniâ sibi viam faciens, vel sanguinis agitatione aut capitis concussionem, aut aliter inde excussus sanguini & spiritibus affunditur, ipsos figit & coagulat, ac ita resolutionem corporis





inducit: Pro quantitate verò & aciditatis intensione humor effectus quoque producit vel majores vel minores.

X V I. Videamus nunc primò, quomodo signi Apoplexiæ maximè pathognomonici ratio hinc deduci possit; Cur nempe in Apoplecticis respiratio & pulsus, intestinorum quoque motus perdurent, cæteris animalibus actionibus abolitis; Cur itidem respiratio & pulsus proculsè fermè interdum desinant, aut cum stertore & spuma ad os apparente in fortiori Apoplexia contingant. Undè multi haud absurdè statuerunt Apoplexiam esse affectum soporosum gravissimum, observantes in affectibus soporosis & sensus & motus pro affectus vehementia magis vel minus cessare, remanente pulsus, respirationis, intestinorumque motu.

X V I I. Primum quod attinet, si cum Cl. *Willisio* statuereliceret, cerebrum esse affectum, cerebello libero existente, ceu ex quo respirationis & pulsus organa spiritibus animalibus irrigentur, in promptu ratio esset. At quis hinc excusabit cerebellum, quid nî cerebello æquè facile simile malum poterit contingere, quod cerebro, cur quoque non interdum cerebellum afficitur, intacto cerebro, ut sic homines absque pulsu & respiratione eant, stent, currant, aliasque actiones obeant.


X V I I I. Conjectura *Francisæ Bayle* Medici *Tholosi* aliqualis pretii esse videtur, qui, postquam in variis brutorum & hominum cerebris glandulam pinealem manifestâ falsedine, eâque sat acri imbutam deprehendit, suspicatur in ea sal aliquod volatile armoniaco analogum separari, quod in caudicem spinalis medullæ diffusum vigorem addat spiritibus animalibus & eorum coagulationem & fixationem quodammodo impediat: Huic accedit, quod respirationis usus sit continuus, continuaque muscutorum huic muneri inservientium actio requiratur; hinc etiam fit, quòd spirituum animalium perpetuò influxu in nervos illorum viæ ita disponantur, ut spiritus animales, si qui supersunt, in illos nervos faciliùs influant quàm



quàm in alijs; hinc respirationis motus difficillimè & ultimò sufflaminatur.

X I X. Quòd verò in Apoplexia fortiori respiratio, vel prorsus fermè remittat, vel cum stertore & spuma ad os apparente fiat, evenire puto. vel quando ab initio, sanguinis motu adhuc rapidiore existente, acidum in cortice cerebri spirituosalinas particulas sanguinis seu spiritus non adeò subito, sed post aliqualem pugnam & effervescentiam ita figit, ut parva vel nulla spes supersit ipsis etiam salibus volatilibus, sanguinem & spiritus fixos solvendi & in libertatem vindicandi. Sic ex obstructione, spiritibus animalibus respirationis quoque organis denegatis, sanguis propter vias in cerebrum præclusas, in pulmonibus & corde restagnans, vasa sanguinea in pulmonibus turgescit, ut aëris ingressus multum impediatur, spiritibusque glandularum nervis subtractis, salivialis humor ad os delabatur; unde si quæ supersunt vires, in unum hunc lapidem, respirationem nempe movendam, impenduntur, & sic vehementia respirationis humorem delapsum sub forma spumæ ad os protrudit. Qualis spuma in moribundis sæpè apparens, summam virium dejectionem & spirituum dissipationem denotare solet.

X X. Hæc de Phænomenis in ipso paroxysmo apparentibus dixisse sufficiant; paucorum phænomenum saltem, quæ ut plurimum post extinctionem in cadaveribus apoplecticis deprehensa ab Autoribus traduntur, rationem subnectamus. Et primò cur sæpe maxima cerebri portio sanguine suffusa, cerebrique ventriculi pleni sint' reperti; Sanguis enim per arterias allatus à succe melancholico coagulatus ibidem substitit, nec in venas reverti potuit, quare uberior sanguis magno cordis conatu magis magisque protrusus, viâ in venas reclusâ, arterias tandem rupit, & sic majorem vel minorem suggillationem & effusionem pro majore vel minore copia & impetu effecit. Patet quoque inde, quare in pulmonibus & cor.



dis ventriculis, quin in ipsa thoracis cavitate sanguis grumofus apparuerit: quia obstructis tandem pulmonis vasis, ipsoque cordis sinistro ventriculo, sanguis magno impetû à cæteris corporis partibus protrusus, vî sibi viam, quam in pulmonum canalibus non invenit, aperuit, ac sic thoracis cavitatem implevit; accedit porro, quod succus melancholicus in principio, ante omnimodam in venis jugularibus obstructionem, cordi quoque communicari potuerit; *Carolus* namque *Fracassatus Clariss. Medicus & Anatomicus Pisanus* in *Dissertatione de Cerebro* refert, se, Serenissimo Magno Duce *He-truria* jubente, ut Apoplexiæ causa inquireretur, sectis cada-veribus eorum, qui hoc morbo moriebantur, invenisse sanguinem concretum in ventriculis cordis & vasis sanguineis pulmonum, eo modo quo solet concrelescere, cum aquæ fortes in venas effunduntur.

X X I. Non alia forsân probabilior reddi poterit causa, quare apud *Wepserum* tota cerebri superficies, tam gyri, quàm, divulsis gyris, anfractus, eeu gelatinâ quaquaversus obfiti visi sint, quæ cultello læsa serum exstillavit sincerum. Gelatina illa nihil aliud fuit, quàm serum concretum, vel ipse sanguis per exiles ruptorum vasorum rimas effusus & in gelatinam concretus ob acrimoniam succi melancholici, tum ipsi permisti, tum è cerebro adventantis. In pleuriticorum etiam sanguine, vase excepto, ut plurimum maxima pars in gelatinam albidam & viscidam mutatur, bonâ parte in serum tandem abeunte, sic, ut rubor in paucissimo sanguine conserve-tur, imò aliquandò fermè totus evanescat. Hæc verò omnia sunt effectus acidi, vel in parte affecta exaltati, vel in totam massam effusi.

X X I I. Plura phænomena post mortem observata hîc adducere, aut eorundem rationem reddere instituti nostri ratio & pagellæ non admittent; pauca hæc adducta, quæ ut plurimum deprehenduntur, per succum melancholicum explicari posse, quilibet jam satis videt. Pergamus igitur ad cau-




las remotiores & primò naturales, in quibus *Hippocrates* ætatem senilem præ cæteris accusat *aph. 57. sect. 6.* inquit, *Apoplexia maxime fit a quadragesimo anno ad sexagesimum*; quamvis hoc *aphorismo* cæteræ ætates minimè excludantur, interim eâ ætate melancholia maximè vigere solet; quod patet ex severiore videndi ratione, & seriis occupationibus, quibus tum libentius hominès occupantur; consumptis enim partibus mollioribus in prægressis ætatibus, sanguis biliosior fit, fervidior ac acrior, tandemque ad aciditatem vergit, calore sensim deficiente, & acido olim volatili & maximè fugaci crassiore & magis fixo factò; eadem enim penè ratio sanguinis est, quæ vini. Hæreditaria quoque dispositio interdum hinc suam exserit sævitiam, imprimis si ei rerum non naturalium abusus & errores manus auxiliatrices quodammodò supeditent.

XXIII. Ex præternaturalium numero poterunt esse plethora & cacoehymia, hæ enim melancholiam non solum augere, sed & in corpore alicubi latentem movere & in actum traducere possunt. Abscessus quoque, qui in cerebro Apoplexiam produciunt, non sine concursu succi melancholici facti esse aut fieri existimaverim.

XXIV. Ex rebus non naturalibus dictis quamvis quædam absque diathesi hunc affectum producere possint & sic accidentalis Apoplexiæ causæ fiant, uti de aëre superius ostensum est, ut plurimum tamen vices procatacticarum gerunt, quatenus nempe antecedentem in corpore dispositionem mirificè augent, movent & in actum produciunt. Hoc quoque *Hippocrates* observans Apoplexiam hyeme & assiduis imbribus maximè oriri dicit, *aphor. 16. s. 3. & ejusdem. s. aphor. 23.* Ejusmodi enim temporum constitutionibus melancholiam & acidum in corporibus nostris magis abundare, tristem vivendi ratio & major appetitus ostendunt.

XXV. Cibi & potus quantitate & qualitate facientes, seu multorum morborum causæ, non parum ad apoplexiam generandam & accelerandam




& variis, crudis & pravis humoribus & vaporibus sanguinem & spiritus inficiunt. Nimia præsertim vini aquarumque ardentium ingurgitatio, ut & tabaci fumus nimius hunc sæpe producant affectum; quo etiam medicamenta narcoticâvi pollentia, intempestivè & in nimia quantitate adhibita, ut opium, opiata &c. spectant.

X X V I. Motus & quies, vigiliæ & somnus, variè sanguinem & spiritus alterare, movere, dissipare & absumere valent, ac proinde non hîc excluduntur, sed pro vario in illis errore, ansam apoplexiæ dare possunt. Animi quoque pathemata, e. g. iram, terrorem, gaudium hunc sæpè produxisse morbum, Autorum tradunt observationes. Excreta & retenta si suum non observent modum, quantos pròh dolor excitant luctus; excretio enim, si sit nimia, spiritus & vires unà exhauriuntur, sic ut totum sæpe corpus torpescat: excrenenda autem si retineantur, omnia tetrâ exhalationibus turbantur, sanguis coïnquinatur spiritibusque gravis infertur noxa. Huc usque de causis Apoplexiæ, sequuntur nunc ejusdem signa in medium adducenda.

X X V I I. Imminentis morbi quamvis aliquandò nulla sint signa, sæpe tamen capitis gravitas indolens, sensuum omnium, præsertim internorum hebetudo insueta, pigrities & languor aliquis in motu insolitus, totius corporis tremor, stridor dentium in somno, incubus &c, præcedunt; succus nempe melancholicus qui in glandulis corticis cerebri, in fieri quasi est, nec quantitate & qualitate tam graviter peccat, spiritus animales & sanguinem modicè saltem & parcè subindè afficit & infestat, ut modò hæc phænomena leviora ceu apoplexiæ imminentis præsagia sentiant, quæ facili errore seu externo, seu interno ad apoplexiâ ipsam producendam apta reddi possunt. Præsentis signa superius *thesi 4tâ* uberius & viribus sunt enarrata.



X X V I I I. Cum verò pluribus affectibus valde sit videamus, per quæ phænomena ab illis differat. Ab



epilepsia igitur differt, quod illi conjuncta sit membrorum ja-
ctatio spasmodica, quodque per intervalla redire soleat; A-
poplexia autem totum corpus reddit attonitum, nec ita fre-
quenter redit. Cataleptici in eodem statu, quo prehensi, ma-
nent, rigidaque servant membra; Apoplectici verò laxos ha-
bent artus & subito concidunt. In Catharro suffocativo men-
te & sensu adhuc constantes pereunt, & respiratio planè in-
tercipitur, quod in Apoplexia non fit. Carus sensus & mo-
tus non prorsus abolitos reddit, sed respiratione liberâ sensim
invadit. A lethargo differt, quia in illo ægri excitari pos-
sunt, ac semper febris lentâ tentantur; Apoplectici verò utro-
que destituuntur. Syncope ab ea distinguitur facie pallidâ,
membrisque non ita laxis, & eorum majore refrigeratione.

X X I X. Signa quod attinet Prognostica, patet ex
morbi hujus magnitudine & celeritate, ut & partium affecta-
rum dignitate, morbum præ cæteris esse latis magnum, gravem
& acutum: Quod etiam *Hippocrates aph. 42. s. 2.* clarè innuit,
dum solvere Apoplexiam fortem esse impossibile, debilem verò
difficile pronunciat. Ratione verò respirationis magis vel minus
læsæ Apoplexia fortior vel debilior existimatur. Si post venæ
sectionem & medicamenta adhibita aliquantum ad se redeant
ægri, bonum est signum, si secus, malum.

X X X. Si hæmorrhoides aut febris sine rigore su-
perveniant, apoplexiam solvi testatur *Hippocrates* Quod verò
utrumque de debili Apoplexia & quidem initio ejusdem, si
aliquandò fiat, maximè intelligendum est. In initio enim, flu-
ente liberaliter per hæmorrhoides sanguine, non solum in to-
to plethora imminuitur & quæ ex arteriis hæmorrhoidalibus
(præsertim, si obstructio earundem præcesserit) in totam
sanguinis massam fluebat melancholia, subtrahitur, sed etiam à
partibus superioribus ad inferiora fit revulsio quædam, quâ san-
guini è cerebro in venas contingit facilior reditus, & motu ipsius
facto rapidiore, coagulatio prohibetur, ac vasorum obstructio
solvitur. Febris quoque si sine rigore superveniat, tum ex
motu





motu particularum biliosarum seu alkalinarum effervescencia cum acidis orta, spiritus rursus elevare, & sanguinem, qui ab initio morbi incipiebat concretcere, solvere, &, ne de novo concreseat, impedire potest. In Apoplexia verò fortiori, ubi spiritus & sanguis in totum fermè fixi sunt, ad statum naturalem, vel per hæc, vel per alia accidentia vix ac ne vix quidem dabitur regressus aut morbi solutio. Si quoque post primum paroxysmum organi alicujus vel lateris alterius aut utriusque paralytis, ut sæpe contingit, sequatur: si iidem æger solito torpidior & hebetior facilius scotomiâ & crebrâ vertigine afficiatur, metuendum est, ne à materia morbifica in minori quidem quantitate superstitè & sparsim fluitante, levi verò errore aucta & in motum magis adaucta, denuò sideratio procuretur & recidiva Apoplexia causetur.

X X X I. Qui siderati mox pulsu & respiratione ad sensum privati animum exhalâsse videntur, non statim lecto eximendi sunt, &, licet nulla vitæ spes amplius affulserit, non tamen nisi post tres aut quatuor dies terræ demandandi, cum tales aut spontè aut remediorum usu interdum reviviscant, quatenus materiâ morbificâ in cerebro discussâ aut evaporatâ, cordis motus & respiratio magis sensibiles iterum fiunt, & ceu ponderibus horologii appensis redintegrantur.


X X X I I. Apoplexiæ itaque causis & signis exploratis, reliquum est, ut de ejus Therapeja solliciti simus. Ante omnia verò Medicus advocatus priusquam aliud quippiam tentet, ægrum temperato loco pariter & justo situ collocandum curet; situs verò ægrotantis non sit supinus, sed capite nonnihil erecto, ac ad latus modò unum, modò alterum erecto; os quoque si fieri potest interposito cuneo apertum servetur.

X X X I I I. Postea curationem ex triplici fonte pro ratione ægri & morbi præsentis aggrediatur, & quidem in ipso paroxysmo materiæ ablationem, spirituum elevationem & sanguinis fluxum provocare quantum potest, studeat, ut sic excitatio ægri promoveatur; ubi Chirurgia primò venesectionem suam commendat.



X X X I V. Venesectio autem quamvis multum præstet utilitatis hincque à multis Prædicis indifferenter & semper in Apoplexia commendetur, sic, ut *Corn. Celsus lib. 3. cap. 26.* præter venæsectionem, vix ullum aliud curationis genus ob hoc morbo sanitatem restituere affirmet, non tamen (pace hujus & aliorum Cl. Virorum) absque circumspectione hic agendum esse censeo. Quis enim in senili ætate, aut aliàs, ubi ante morbi invasionem summa virium dejectio adest, illam semper suadeat? admitti potius debet, ubi plethora conjuncta est, & maxime, quod semper observandum, in morbi principio, ubi sanguis adhuc quodammodo in motu, & ut *Hippocrates* ait, spiritus elevati sunt; si enim hoc auxilium differatur, & sanguis penitus in vasis concreseat, parva vel nulla ex V. S. aut alijs remedijs utilitas expectanda erit. Si constitutio ægri largam sanguinis missionem non admittat, diversis in locis pro diversa intentione intra paucas horas reiterari poterit. Jugularium venarum sectio non sine maximo emolumento aliquando instituitur, præcipuè, si, sanguine abundante, in brachio ad universalem plenitudinem imminuendam venæ apertio præmissa sit; ob earum enim magnitudinem affatim profundetur sanguis, quo restagnante cerebrum gravabatur: & pulmones hoc onere detracto minùs premuntur, ac parciore affluente sanguine, quem continent, facilius in cordis ventriculum sinistrum deponere poterunt, ut sic, tandem liberiore reddito sanguinis fluxu, coagulatio impediatur, obstructions solvantur functionesque animales sensim restituantur. Vulnus in V. S. solito fiat amplius, aliàs sanguis qui crassior est statim subsistet; & si noxa ab apertura forsan metuenda esset, poterit vulneri imponi emplastrum *Galen*i ex thure, aloë, pilis leporinis & ovi albumine, ac sine constrictione deligari.

X X X V. Venæ sectioni si non sit locus ob virium dejectionem, cucurbitulæ, præsertim scarificatæ, cervici, brachijs, cruribus adhibeantur, prout evacuandi, revellendi aut
C deri-




derivandi necessitas indicabit. Hirudinum ad aures, tempora ut & hæmorrhoides applicatio prodesse quoque poterit, cum monente *Hippocrate*, earum apertio spontanea salutaris sit. Clyster ante vel paulò post venæsectionem, si moram non patiatur, applicetur ex Herbis emollientibus & cephalicis, ut malva, mercuriali, ruta, salvia, origano, pulegio, betonica &c. Rad. ireos, rec. cyclaminis, hellebori nigri parari poterit, quibus post coctionem & colaturam Hier. colocynthid. Aq. bened. *Ruland.* Ol. rut. de castoreo. Mell. anthol. Sal. gemm. &c. addantur; talis enim non modò materiam in intestinis hærentem ejiciet, sed etiam, si in purgantibus volatilitas & spirituositas quædam sit, sanguini communicata, fluiditatem ejus augere poterit.

X X X V I. Frictiones quoque dolorificæ instituendæ sunt, non solum quod calefaciendo sanguinem attenuent, sed etiam spiritus animales sopitos excitent & majorem torporem impediant, præsertim si fiant circa nucham, spinalem medullam, pubem & juncturas &c. pannis laneis, penetrantibus, calidis, æribus, volatilibus intinctis, e. g. Sp. sal. armoniac formic. Ol. rut. castor. Sal. Acet. &c.

X X X V I I. Purgantia quoque hic locum habere poterunt, & quidem fortiora, ut Trochisc. alband. Pil. coch. aur. foetid. &c. Extract. pil. coch. aurear. catholicum, panchymagogum *Crollij*, vegetabile *Harmanni*, Hier. diacolocynthid, &c. in forma liquida, cum aliàs vix deglutiantur. Vomitoria rarissimè locum habent, nisi forsàn cibo aut potu antea nimis sit repletus æger, & in leviori apoplexia vomitu urgeatur & irritetur; aliàs enim muscoli abdominis in vomentibus contracti subjecta viscera & vasa premendo sanguinem ad superiora magis propellunt, ut vomentes etiam extra Apoplexiam gravativum capitis dolorem, venarumque in fronte & temporibus distensiones patiantur.


X X X I I X. Ptarmica forsàn non ita tutò præbentur, propter concussionem cerebri; naribus potiùs graveolentia



ria infundantur, ut Spir. c. c. sal. ammon. urin. volat. &c. tincturâ castorei semper admixtâ; Apoplegmatismi adungi poterunt. Tempora, cordis regio, vertex, nares & palatum illinantur Balsamis apoplect. *Crollij*, *Mynsichti*, Theriacâ Confectione anacard. cum castoreo junctis; talia enim insigniter penetrando sanguinem fundunt & spiritus refocillant, viasque, per quas humores elici possunt, aperiunt. Setaceum cervici, ex Cl. verò *Willisii* consilio etiam vesicatorium vertici, ut & emplastra attrahentia pedibus applicentur.

X X X I X. Nec negligenda interim sunt ab initio intus propinanda, quæ sanguinis effervescentiam provocent & augeant, spiritusque animales exfuscitent & vinculis expediant. Talia verò maximè sunt spirituosâ, & quæ sale volatili abundant, ut Aquæ apoplecticæ varix, *Crollij*, *Hartmanni*, *Mynsichti*, *Sennersi*, *Anhaltina*, benedicta serpilli, *Myns.* Elixir vitæ *Matthioli*. Spir. ceras. nigr. formic. lill. convall. vini tartarizat. c. c. fulig. sang. human. Sal volat. ammon. sang. hum. c. c. viperarum, succini; talia enim citissimè sanguinis massam pervadunt, fluidioremque reddunt, acidorum vim infringunt, sanguinis grumos dissolvunt; qualem etiam usum præstant Ol. stillatit. anis. angelic. rorismar. succin. carioph. ut & Theriac. vet. Mithridat. &c. ex quibus varix formulæ parari poterunt. Si sub forma liquida arrideant, poterunt addi Aq. cephal. & apoplect. non incongruum vehiculum præbentes, quibus semper tinctura castorei cum summa utilitate admiscetur. Ituum, vulnerum, contusionum debita cura poterit peti ex libb. Chirurgicis. Clysteres & glandes pro rei necessitate iterari poterunt.

X L. Post paroxysmum ad recidivam præcavendam adhibeantur corroborantia, alterantia, cephalica medicamenta, qualia passim apud Autores exstant. Plethora si adsit, & vires permittant, venæ sectio vere & autumno instituat; si ad vomendum proclives sint, emetica lenia adhiberi poterunt. Purgantia verò, quæ dantur, admixta habeant, quæ sul-




phure suo balsamico caput, cerebrum, nervos spiritusque animales respiciant, ut Cubeb. Cardamom, Herb. beton. rorismar, serpilli, Fl. lil. convall. ros. rub. pœon. salv. Cort. aurant. citri, Rad. angel. zedoar. imperat. ex quibus etiam aliàs Aquæ, Conservæ, Tincturæ, Olea, Essentiæ &c. parantur, quin ipsæ eorum substantiæ in forma pulveris, electuarii, potionis etiam sumi possunt. Olea, Unguenta, Linimenta, Balsama, Cucuphæ ex iisdem cephalicis parata, summo cum emolumento adjungantur.

X L I. In Dixta aër servetur temperatus & purus; impurius si sit, suffumigiis corrigatur; ex Thure, Mastiche, Styrac. calamit. Benzœe, Succino, Cariophyll. Flor. lavend. ros. rub. Bacc. Junip. Motus & Quies, vigiliæ & somnus sint moderati; motus imprimis vitentur circulares. Frictiones continentur. Cibi sint eupepti & euchymi, potus parcior & defæcatus; à nimio vinorum, imprimis ardentium, ut & tabaci usu maximè abstinenceatur. Excreta & retenta justo sese habeant modo; alvus si suo officio segnius fungatur, clystere aut aliis lenientibus est admonenda. Quibus hæmorrhoides fluere consuevere, eorum ratio habenda erit. Animi pathemata cane pejus ac angue vitanda sunt.

Hæc de Apoplexia differere placuit; Deo verò Triuno & Summo pro gratia sua sit laus, honor & gloria in æternum! & ita cum Deo, cum Quo cœpi,


F I N I O.



Corollaria.

I.

Sanguis multoties circulatus corporis nutrimentum genuinum non est.



I I.

Bilis & saliva excrementa nuda neutiquam sunt censenda, sed chylificationi maximè necessaria.

I I I.

Lac ex chylo conficitur.

I V.

Spiritus animales ad partes delati in humorem condensari queunt.

V.

Vulgaria Magisteria Chymicorum Preparatis vix præferenda sunt.

V I.

Resuscitatio plantarum ex cineribus & salibus aut falsa, aut apparens saltem est.

V I I.



Menstruum universale, quod quis habuerit, aut habeat, variorum corporum diversissimi pori videntur repugnare; nec forsàn vas aliquod dabitur, in quo vel parari vel asservari possit.

V I I I.

Cur in sectione venæ ligatura inter venam & cor fieri debeat, circulatio sanguinis nos docet.

I X.

Præfagia ex sanguine per venæsectionem extracto, non adeo sunt firma.



X.

Ex urina sola nihil certi perspicitur & prædici potest.

XI.

Ultimi etiam graviditatis menses tantum abest, ut venæsectionem & purgationem semper respiciant, quin potius tanquam necessarias admittant.

XII.

Electivè purgatio non dantur.


XIII.

Qui in formulis non saltem magnam simplicium, sed & compositorum farraginem conjungere amant, Pharmacopæo molestiam, agro nauseam, sibi verò praxin reddunt incertam.

XIV.

Vomitoria præposterè & temerariè adhibita merito culpanda sunt; maturo autem consilio & methodicè data quanta non tollunt & arcent sæpè mala?

XV.



XV.

Partus octimestres censeo vitales.

XVI.


*Consuetudo longo tempore, etiamsi deteriora sint,
insoletis minus molesta solent esse, testibus ex-
perientiâ & Hippocratis aphor. 50. sect. 2.*

XVII.

*Vulgatum adagium Germanicum, Ein neuer Me-
dicus, ein neuer Kirchoff/ non semper verum
est.*

F I N I S.





HONORIBUS
Nobilissimi atque Clarissimi
Dni Candidati.

Dic mihi, conscendis cur *Doctore* cathedram?

Scilicet, ut Medica *Doctus* in arte cluas.
Hincque *Tuis* thesibus contraria dicta repellis,

Instructus causis ac ratione bonis.

O *Tefelicem*! Studiorum fine peracto,
Ad Patriam *Doctor* mox remeabis ovans.

Dic nunc incolumem, *Te* dic *Hildesia* sanam,

Vir, qui præ morbis corpora vallat, adest.

Sic properante calamo gratulari debuit, voluit

Gerhardus Meyer / J. C.

